

歷代

民國

釋道占驗

祥異

古器

古樹

叢談

附前志序

重修縣志始末

南川縣志

重修南川縣志卷十三

前事

提綱挈要編年紀月以次第國之重事史籍中一體也顧其所次第必止於記者援筆之年惟春秋史記爲然春秋辭約義深雖寓褒貶不觸時忌且其書初成但傳弟子未播國聞雖有崔杼張說其人惡得而禁之太史公一效其法作今上本紀當時遂有謗史之目幸其書沒而始傳累不及身耳至崔浩一代重臣以直書拓跋先代事實致賈奇禍豈非未可言而言以不密失身哉故前事者追述前代事跡不及見在也若州縣志本周官小行人五書之體分類纂輯以備一方掌故體原不同正史惡用提挈編紀爲哉然近代作者則以志體關係典要謹嚴雖不若國史而上下千百年事跡先後錯出亦應有統系條貫相繫相承以收散漫爰立一書之幹或曰世編曰年紀曰大事曰前事皆是也惟最近世事仍宜留以待後俾論定於蓋棺茲編十四類目他皆載至十六七年前事則止於洪憲告終私意謂洪憲傾覆雖擾攘紛爭政未畫一而名義上始爲純粹之共和國後賢有作請自此始

唐

華陽黑水爲梁州邑地屬之

堯老舜攝禹平水土分天下爲九州

虞

肇十有二州其一梁州邑地屬之

舜即位析九州爲十二

夏

華陽黑水爲梁州邑地屬之

夏禹受禪復置九州

商

省梁州入雍州邑地屬之

省梁入雍本爾雅釋地郭璞以爲殷制

周

仍雍州始封巴子國其邑有江州有枳

山海經西南有巴國大暉生咸烏咸烏生乘釐乘釐生后昭郭璞注爲巴始祖華陽國志武王克殷封宗姬於巴爵以子又云巴子雖都江州其先王墓在枳路史云古者遠國雖大爵不過子巴國東至魚腹西連僊道北接漢中南極牂牁皆其地史記蘇秦列傳蘇代說秦王曰楚得枳而國亡據二書則枳爲巴國屬邑之名卽今南川於古屬巴國之證清一統志以

今涪陵南川豐都長壽均列爲古枳縣地

秦

滅巴國改置巴郡

華陽國志蜀王弟苴侯親於巴蜀王伐苴苴侯奔巴巴爲求救於周慎靚王五年秦惠文王使張儀司馬錯伐蜀滅之儀貪巴苴之富并取之以其地置巴郡按秦無地志可攷而以郡統縣枳之爲縣殆始於此時

前漢

武帝元封五年改古梁州爲益州漢書地理志巴郡隸益州統縣十一有江州枳二縣舊志沿革表以邑在漢爲江州枳二縣地蓋不敢確指也清一統志專屬之枳以地勢度之較爲可據

後漢

獻帝初平元年益州牧劉璋分巴郡爲三以江州至臨江爲永寧郡枳縣當在內從征東中郎將安漢人趙穎之請也

獻帝初平元年璋改永寧郡復爲巴郡屬縣七枳第二

分巴之後魚腹蹇允白璋爭巴名璋乃復永寧郡爲巴郡固陵郡爲巴東郡

三國

魏咸熙元年分益州置梁州自是巴郡屬梁州枳縣從之

晉宋齊

州郡縣同上

梁

武帝太清中武陵王蕭紀據蜀僭號於巴郡置楚州

按南北朝各史惟魏書有地理志而梁益郡縣脫缺餘史皆無之故其更易建置不可攷但自漢至六朝皆以州統郡以郡統縣無改郡爲州而不設郡者自曹魏末分益州置梁州巴郡屬焉及蕭紀僭號更析梁州所屬之巴郡別置楚州而巴郡固在也西魏復改楚州爲巴州亦如之蓋其時南北分疆地不加益而耀州域之多愈析愈密故有一州僅統一郡者迨隋文厭其無實乃廢舊統郡之州而改郡爲州以州統縣巴郡之改爲渝州自此始至唐則

州郡並繫而爲渝州南平郡舊志於梁於魏皆直列楚州巴州而無巴郡蓋誤謂自此已改郡爲州楚州立而巴郡廢也今不從之

西魏

大統十七年改楚州爲巴州

後周

閔帝元年改巴州仍名楚州廢枳縣以地并入巴縣

南齊末改江州縣爲墊江縣北周武成三年改墊江縣爲巴縣

隋

文帝開皇三年廢楚州改巴郡爲渝州煬帝時復渝州爲巴郡

是時以州統縣改巴郡爲渝州大業初改渝州爲巴郡統縣三曰巴縣

今南川縣地附入之

曰江津縣曰

涪陵縣此時之州郡方爲同等相當以其皆爲統縣之區也

唐

太宗貞觀十二年析巴縣舊併入枳縣地置隆化縣以縣西永隆山命名改隸涪州

按自西晉以上枳縣封域甚闊統今日數縣地而治城實在今涪陵自東晉中年卽有分析

治城亦已遷徙舊日枳城改爲涪陵鎮別屬涪陵郡其併入巴縣而復析爲隆化者不過爲舊枳縣之一部非漢時完全之枳縣也

玄宗先天元年改賓化縣

是年八月玄宗卽位帝名隆基以避諱改

後五代

梁唐晉漢周邑均屬蜀

此時邑雖隸蜀其地已否荒廢淪於夷獠不可攷

宋

神宗熙寧三年改賓化砦復爲隆化縣

邑當宋初爲夷獠所據稱賓化砦是年以兵復之復名隆化縣仍隸涪州詳見建置篇

七年復遣熊本招納涪州夷獠置南平軍割涪州南川涪州隆化二縣隸之

時舊涪州

唐之涪州在今綦江東桐梓北西與仁懷毗連

夷獠投誠拓地五百里次年於銅佛壩

今綦江縣趕水

置南平軍割二邑

隸之

理宗嘉熙三年徙南平軍治隆化

元

世祖至元二十二年以重慶府爲重慶路廢南平軍改隆化縣爲南川縣隸重慶府

按秦漢之巴郡自隋初改渝州後北宋徽宗崇寧元年改爲恭州南宋孝宗淳熙十五年升爲重慶府元改重慶路明仍爲重慶府

明

太祖洪武三年省南川縣入綦江廿一年復置南川縣

按綦江名縣始於明玉珍自元初廢南平軍改隆化縣爲南川縣其舊南川縣地與舊南平軍地合爲南平綦江長官司而屬播州故玉珍廢司爲縣得以綦江名之若謂元初係省隆化入南川則玉珍之析爲綦南二縣既無明文又不應奪數朝相承之南川移以名隆化而強名南川爲綦江也

武宗正德六年瀘州賊曹甫作亂逼近南川四川巡撫林俊勒兵追之

是年瀘州賊曹甫與其弟曹瑄作亂自稱順天王據瀘州爲巢穴旋攻江津建南道吳景督

民兵拒守城陷景死之甫遂分兵越綦江以趨吾邑勢張甚四川巡撫林俊聞耗移師來擊甫敗走其黨方四亡命竄思南俟大兵已去復出攻掠吾邑以窺瀘州俊再發兵命副使何珊李鉞等追之出境捷聞璽書褒獎俊致仕歸士民號哭追送事詳前志武功及俊本傳五年曹甫被誅甫黨方四連合仁壽縣賊任翳子麻六兒復來寇次年官兵敗之追出境先是甫既被誅其黨方四逃入黔之思南府是年八月連合仁壽縣賊任翳子麻六兒等來攻邑東路之馬頸子雀子崗等關隘官兵禦之賊移攻邑南路東鄉壩永澄河等處官兵復敗之追至壩外次年巡撫彭澤督兵討平之其亂始息

世宗嘉靖三年邑有盜作亂正安土司鄭廷珪討平之

是年吾邑有大盜作亂勢張甚官兵少不能制正安州土司鄭廷珪初襲職時從征來南討平之有大功於邑前志未錄今從正安州志補

九年知縣陳光道始築縣城

邑前係土城旋築旋圯不足禦寇是年陳公光道用磚易土冀垂久遠經費加諸丁糧未期年功畢

十年始建文廟

神宗萬曆十八年播州賊楊應龍將作亂其妻叔張時照詣京師上變貴州巡撫葉夢熊請發兵勦之不果

應龍初襲播州宣慰使久蓄異志尙未敢動後知四川承平日久沿黔界一帶邊備空虛其謀益急招兵買馬積草屯糧作寇川計以爲舉手可得其妻叔張時照與所部宗世臣等上變夢熊聞耗上疏請勦四川撫按及蜀中士大夫皆主撫朝廷從之詔應龍赴重慶聽勘二十五年楊應龍叛劫江津及南川旋往合江

應龍旣叛由播分兵出川連劫江津綦江及吾邑旋往合江逼縣執其仇人袁子昇於獄中寸磔之乃返

二十七年六月貴州巡撫江東之遣兵三千剿應龍不克應龍勒兵圍綦江陷之掠地至南川東鄉壩

是年六月應龍乘大兵未集作先發制人計勒兵先犯綦江分屯趕水以偏師犯吾邑二十七日又用苗兵破綦城大掠於綦之三溪及吾邑東鄉壩立石爲播州界號宣慰官莊界石

至今尙存黔撫郭子章調漢土兵嚴守重慶分戍合江南川瀘州以備應龍

命兵部侍郎李化龍總督川湖貴三省軍務巡撫四川調八路兵討播賊楊應龍總兵官馬孔英由南川進會諸師二十八年三月圍海龍囤夏六月擒應龍磔之播亂平

化龍以前年三月受朝命總督四川湖廣貴州軍務兼四川巡撫時應龍作亂已及十年復結生苗破綦江殺參將房嘉寵游擊張賢良投尸蔽江下聲勢洶洶帝賜化龍尙方劍十月化龍自成都移駐重慶大誓文武分八道進兵期一鼓蕩平川兵四路馬孔英率陝西四鎮兵由南川路進應龍以勁兵三萬屬其子朝棟據綦江馳攻吾邑盡焚積聚時八道兵南川路險遠去應龍巢穴海龍囤七百里孔英自秦赴軍未至重慶推官監紀軍事高折枝慷慨有謀請獨當一面與參將周國柱先以石砧宣撫馬千乘

秦良玉之夫時良玉從夫在軍主兵

兵破賊金筑又督酉

陽宣撫冉馭龍兵破賊官壩及孔英至軍平茶及邑梅兵亦集鼓行而前所過克捷奪桑木關進營金子壩又分兵三千助合江路總兵吳廣之師克岩門關二十八年三月孔英軍已深入至海龍第二關下諸道未有至者居數日與劉綎合兵進壓海龍囤而壘八道兵悉會六月囤破應龍先自縊事聞詔並其子磔於市餘黨悉平見明史化龍傳

熹宗天啓元年永寧土司奢崇明作亂據重慶僭號大梁殺巡撫徐可求及川東道以下各官南川戒嚴

時知縣鹽運同知韓應龍設防守捕邪教以自固邑中無事是年四川布政使朱燮元率衆討賊復重慶瀘州三年師搗永寧崇明遁走貴州川亂平

莊烈帝崇禎十年十月流賊李白成黨惠登相陷劍州邑舉人知州徐尙卿死之贈右參議尙卿中崇禎初年鄉榜旋補劍州知州是年十月流賊李白成使其將惠登相等以數十萬人入四川大將侯良柱敗沒於廣元遂破昭化知縣王時化死之尙卿知賊必至集士民泣諭曰賊至城必不守若輩速去吾當死此衆泣請偕去尙卿不可越二日賊果至破州城尙卿投繯死事後上聞贈右參議

十三年邑武舉婁朝臣募義勇討賊有功劄付守備職

朝臣原籍貴州省桐梓縣人後遷居邑東路入武庠崇禎九年中四川武鄉試舉人時吾邑正值匪教猖獗朝臣募義兵捍衛桑梓平賊功多劄付守備以酬其勞事見前志武功門

十七年春搖蕩賊遵天王等抄掠南川

搖黃起於崇禎五六年間初擾川北保寧順慶川東達州夔州各縣頭目凡十三家以綽號搖天動黃龍二賊爲首故稱搖黃其餘有整齊王逼反王黑虎混天星奪食王遵天王黃鵠子震天王等不攻城邑一於屠掠鄉村以殺人爲戲樂演種種慘劇有獻闖所不爲者畏官兵且畏獻賊惟善奔竄蜀中受禍久而烈當以此賊爲鉅是年由川北竄川南道經川東涪南綦各縣遂不得免東路大有鄉屬唐家山龍尾城俱有殘殺遺跡蓋其醜類蔓延輾轉驟突非僅一二次也

六月流賊張獻忠破涪州總兵官曾英退保望州關賊追及英敗被傷由南川奔綦江賊焚城內外官民廬舍是月十一日獻忠自涪州分兵兩路陸路由南川水路由長江約十八日會攻重慶所過焚掠村舍爲墟

清

世祖順治五年搖黃餘黨袁韜武大定等率衆取道邑境由綦江出江津硤礪石

邑經前次搖黃蹂躪後久成圯墟餘黨袁韜武大定已降於明巡撫李乾德託名爲明所在抄掠是年四月復擾吾邑取道走綦江出江津之硤礪石以窺重慶所過搜殺無遺無所掠

食以人爲糧見江津志

九年頒臥碑於學宮

十一年遵義兵百餘叛入南川界據之刼掠旁縣涪州綦江鎮合兵驅之自綦之趕水竄入江津

聖祖康熙六年初清查邑中田賦

邑經明季之亂丁口死亡殆盡隴畝坵墟田賦檔冊亦無復存康熙初年逃戶來歸及湖廣江西貴州諸省流氓領照插占是年始奉文清查編里甲定稅則初具規模

九年頒聖諭十六條建聖諭牌坊於縣署

二十四年定縣中文武學生員及稟增生額

邑每屆歲試新取文生八名武生八名科試取文生八名廩膳生增廣生各二十名以攷案挨次遞補閒歲貢生一名值國有慶典之年取恩貢生一名

世宗雍正七年丈量縣中田土分上中下地丁額數

吾邑田賦經康熙六年清查一次尙未澈底是年遣官丈量詳食貨篇

九年增置常平倉

舊倉不知設自何年計一十一廩實貯穀一千八百四十石是年新置倉八廩實貯穀三千二百石共計實貯穀五千石零四十石

高宗乾隆二十年修隆化書院於南城外鰲頭峯

隆化書院建於南城外二里許地名鰲頭峯卽前文昌宮故址邑令應公士龍捐資創修復勸邑紳捐資買田二十二契年收租穀六百三十五石土業十四分年收租錢三十一千供山長束脩學生膏火之費

二十九年置社倉

分豐福二里各鄉場共二十一處貯穀多少不等掌於社首受長官監督

至同治初移入縣署

五十年邑武生傅立維征苗有功授千總

邑鳴玉場人陳永揚募鄉勇攻教匪有功授廣東三江協守備升增城營參將

二年邑人劉泗明赴達州軍營勦王三槐有功授巫山縣汛

二年初設平匪局練團

是時教匪充斥邑奉川督宜綿通飭設平匪局於縣城訓練團勇頒團練章程十六條

五年邑人江南安慶營守備升都司吳純俊追賊湖北竹溪縣陣亡賜蔭世襲雲騎尉入祀昭

忠祠

祠爲征教匪陣亡將士而設

九年置賓興會

十一年初修縣志

吾邑明代無志康熙末年知縣張公暉手輯數紙未臻完備邑令蔣公作梅嘉慶九年蒞任據張稿增廣手自起草聘邑舉人周士灝任參訂一年歲事凡八卷分二十八門

二十四年設鄉學

先邑有書院無鄉學奉川督戴札飭各州縣創設邑令彭公平園敬教勸學捐廉提倡不遺餘力復勸士紳捐助置業十一處年收田租四百五十石於城內設育才書屋四鄉二十二處選勤學文士充教師歲一攷試後令魏崧定規則十條

創修試院

向應童子試就縣署內不免複雜擁擠邑令彭公捐廉提倡復勸士紳捐助擇後圃賓興公